

KARANIWAN

Bukas, hindi na natin makikilala ang isa't isa
Karaniwan nang nakadakma sa ating bibig
Ang pagitan ng kaligtasan at sakit

Kaya't kung makasalubong mo ako't hindi
Makarating sa iyong tanaw ang aking ngiti
Huwag alalahanin ang hindi pagkakilanlan

Parehas lamang tayong bago sa karaniwan nang mundo
Sakali'y may isang tiyak nang paraan para makarating
Sa dati nating kabisadong yakap at pakikipagkamay

Sa ngayon, banlawan ng alkohol ang kamay at malay
Pumili: masanay sa pagkawalay o mag-isang mamatay?